



Jednanski porjad gmejskeje rady Chróścicy

Wobsah

I. Powšitkowne postajenja

- § 1 Zestawa gmejskeje rady
- § 2 Frakcije

II. Prawa a winowatosće gmejnskich radźičelow

- § 3 Prawniski staw gmejnskich radźičelow
- § 4 Prawo na informaciju a naprašowanja
- § 5 Wukonjenje mandata a winowatosć k mjelčenju

III. Wotběh jednanja gmejskeje rady

1. Přihot posedženjow gmejskeje rady

- § 6 Zwołanje posedženja gmejskeje rady
- § 7 Nastajenje dnjoweho porjada
- § 8 Poradźowanske poslužby
- § 9 Lokalne wozjewjenje

2. Přewjedženje posedženjow gmejskeje rady

- § 10 Winowatosć wobdźelenja
- § 11 Zjawnosć posedženjow
- § 12 Sedženski porjad
- § 13 Předsydstwo w gmejskej radže
- § 14 Wobzamknjenjakmanosć gmejskeje rady
- § 15 Zajatosć člonow gmejskeje rady
- § 16 Wobdźelenje na posedženjach gmejskeje rady
- § 17 Změny a dodawki k dnjowemu porjadej
- § 18 Porjad rěčenja
- § 19 Próstwje k dnjowemu porjadej
- § 20 Wěcne próstwje
- § 21 Přewjedženje wobzamknjenjow
- § 22 Wothłosowanja
- § 23 Wólby
- § 24 Móc nad porjadom a domjace prawo wjesnjanosty
- § 25 Zwołanje k porjadej a sćazanje słowa

§ 26 Wuzamknjenje z posedženja, sćazanje posedženskeho zarunanja

3. Protokol posedženja, informacija zjawnosće

§ 27 Protokol posedženja gmejnskeje rady

§ 28 Informacija zjawnosće

IV. Jednanski porjad wuběrkow

§ 29 Poradźowanske wuběrki

V. Kónčne postajenja, nabyće płaćiwosće

§ 30 Kónčne postajenja

§ 31 Nabyće płaćiwosće

JEDNANSKI PORJAD GMEJSKEJE RADY GMEJNY CHRÓŚCICY

Na zakładze § 38 wotst. 2 Gmejnskeho porjada Swobodneho stata Sakska w stajnje plaćiwej formje je gmejnska rada gmejny Chróścicy dnja 29.08.2019 slědowacy jednanski porjad wobzamknyła:

PRĚNI DŽĚL POWŠITKOWNE POSTAJENJA

§ 1 Zestawa gmejnskeje rady

Gmejnska rada wobsteji z gmejnskich radźićelow a wjesnjanosty jako předsyda.

§ 2 Frakcije

- (1) Gmejnsy radźićeljo móža so do frakcijow zjednočić. Tute su džěle organa gmejnskeje rady. Frakcije su na wěstu dobu zapołożene zhromadženstwa, wobstejace ze znajmjeńša dweju gmejnskeju radźićelow, mjez kotrymiž wobsteji zasadna politiska přezjednosć. Gmejnski radźićel móže jenož jednej frakciji přisłušeć.
- (2) Wutworjenje, změna a rozpušćenje frakcije, jeje pomjenowanje, mjeno předsydy, naměstnika kaž tež mjena člonow maja so wjesnjanosće pisomnje zdžělič. Zdžělace ma so frakciske dojednanje we wjacorych eksemplarach přidać. Jeli njejsu so člonjo jedneje frakcije na zakładze samsneho wólbneho namjeta do gmejnskeje rady wuzwolili a frakciske dojednanje ničo wo tym njewupraji, ma so zdžělace wjesnjanosće přidatnje přidać wot wšitkich člonow zhromadženstwa podpisany dokument wo postupowanju za zhromadne komunalnopolitiske zaměry.
- (3) Frakcije maja wšitke prawa, kotrež tež jednotliwy člon abo skupina gmejnskeje rady po SächsGemO ma. Staja-li so próstw, z wuwzaćom próstwow k dnjowemu porjadej po § 36 wotst. 5 SächsGemO, ma sylnosć frakcije wot SächsGemO postajeny kworum spjelnić.

DRUHI DŽĚL

PRAWA A WINOWATOSĆE GMEJNSKICH RADŽÍCELOW

§ 3 Prawniski staw gmejnskich radžícelow

- (1) Gmejnsy radžíceljo wukonjeja swój mandat čestnohamtsce. Wjesnjanosta zawjaza gmejnskich radžícelow na přenim zjawnym posedženju k swědomitemu spjelnjenju jich winowatosćow.
- (2) Gmejnsy radžíceljo wukonjeja swój mandat po zakonju a swojim swobodnym, na gmejnske dobro wusměrjenym přeswědčenju. Na winowatosće a nadawki, kotrež tutu swobodu wobmjezuja, njejsu wjazani.

§ 4 Prawo na informaciju a naprašowanja

- (1) Pječina gmejnskich radžícelow móže we wšitkich naležnosćach gmejny žadać, zo wjesnjanosta gmejnsku radu informuje a tomu abo tamnemu wot njeho postajenemu wuběrkej dohlad do podložkow dowoli. Stajerjo próstwy maja we wuběrku zastupjeni być.
- (2) Kóždy gmejnski radžícel móže so wjesnjanosty pisomnje abo w posedženju gmejnskeje rady ertnje k jednotliwym naležnosćam gmejny naprašować. Wuradźowanje k naprašowanjam so njewotměje. Na naprašowanja ma so w přiměrjenym času, kotryž zasadnje štyri tydženje traje, wotmołwić.
- (3) Pisomne naprašowanja maja so znajmješša pjeć dźělowych dnjow před přichodnym posedženjom wjesnjanosće zdžělić. Wotmołwić ma so pisomnje, jeli sej to naprašowar přeje.
- (4) Ertne naprašowanja móža so wjesnjanosće po zakónčenju dnjoweho porjada posedženja gmejnskeje rady stajić. Naprašowanja nimaja so na wobjednane temy wotpowědneho posedženja gmejnskeje rady počahować. Wone maja być krótke a krótku wotmołwu zmóžnić. Naprašowar smě stajnje jenož jedne dodatne prašenje stajić. Njeje hnydomna wotmołwa móžna, móže so naprašowar na to skedźbnić, zo dóstanje pak pisomnu wotmołwu abo zo so na přichodnym posedženju gmejnskeje rady wotmołwi.
- (5) Prawo na informacije a na dohlad do aktow je přez prawa třećich wobmjezowane a njesmě so prawnisce znjewužiwać. Naležnosće, kotrež maja so po § 53 wotst. 3 3.sada SächsGemO zatajić, nimaja być přičina za prawo na informaciju a na dohlad do podložkow. Naprašowanja po wotst. 2 smědža so wotpokazać, hdyž
 - a) njewotpowěduja postajenjam wotstawkow 2 do 4,
 - b) je so wotmołwa na naprašowanje samsneje abo druheje wosoby w běhu minjenych šěsć měsacow hižo dała a so wěčne abo prawniske poměry w tym času změnili njejsu,

- c) je wotmołwa na naprašowanje z nadměrnje wulkim wužadanjem a napinanjom zwjazana.

§ 5 Wukonjenje mandata a winowatosć mjelčenja

- (1) Gmejnsy radźićeljo maja jim přepodate nadawki njesebičnje a zamołwiće spjelnić. Gmejnsy radźićeljo maja wosebitu winowatosć k swěrje napřečo gmejnje. Gmejnsy radźićeljo nimaja sej žadanja a zajimy druheho napřečo gmejnje wužadać, jeli jako zakonscy zastupjerjo njejednaja.
- (2) Gmejnsy radźićeljo su zawjazani, mjelčeć k wšitkim naležnosćam, za kotrež je zakonsce tajenje předpisane, za kotrež je to eksplisitnje přikazane abo za kotrež je to po jich bytosći wosebje trěbne. Woni njesmědža wědu wo tajnych naležnosćach bjez woprawnjenja wužiwać. Tute winowatosće wobsteja tež po zakónčenju čestnohamtskeho skutkowanja dale. Mjelčenje móže so jenož w zajimje zjawneho dobra abo k škitej woprawnjenych zajimow jednotliwcow přikazać. Přikaz k mjelčenju ma so cofnyć ručež njejsu přičiny za to hižo date.
- (3) Gmejnsy radźićeljo a wjesnjanosta su zawjazani, wo wšitkich w njezjawnym dźělu posedzenjow wobjednanych naležnosćach tak dołho mjelčeć, doniž gmejnska rada w přezjednosći z wjesnjanostu wukaz mjelčenja njezběhnje. To njeplaći za wobzamknjenja, kotrež buchu po § 11 wotst. 3 wozjewjene.

TŘEĆI DŽĚL
JEDNAĆELSTWO GMEJSKEJE RADY

PRĚNI WOTRĚZK
PŘIHOT POSEDŽENJA GMEJSKEJE RADY

§ 6 Zwołanje posedżenia

- (1) Gmejnska rada wobzamknje městnosć a čas svojich prawidłownych posedženjow.
- (2) Wjesnjanosta zwoła gmejnsku radu pisomnje w přiměrjenym času, zwjetša sydom cylych dnjow do posedżenia a zdžěli sčasom naležnosće, kotrež maja so wobjednawać; k tomu maja so přidać za wuradźowanje trěbne podložki, jeli njesteja w přećiwku k zjawnemu dobru abo woprawnjenym zajimam jednotliwcow. Wobšěrne podložki móža so dočasne elektronisce sprosředkować, maja pak w posedženju pisomnje předležec. Gmejnska rada ma so zwołać, hdyž sej to položenje žada. Čłonojo gmejnskeje rady su winowaci, wjesnjanosće bjezposrědnje swoju adresu za pisomne a elektroniske přeprošenje zdžělic.
- (3) Gmejnska rada ma so hnydom zwołać, hdyž sej to pjećina radźicelow z podaćom jednanskeho wobsaha žada. Wotstawk 2, přenja sada płaci wotpowědnje.
- (4) W nuznych padach móže so gmejnska rada hnydomnje, njeformalnje a z podaćom jednanskeho wobsaha zwołać.

§ 7 Nastajenje dnjoweho porjada

- (1) Wjesnjanosta postaji dnjowy porjad w swojej zamołwitosći.
- (2) Na próstwu znajmjeńša pjećiny gmejnskich radźicelow abo jedneje frakcije ma so jednanska naležnosć na dnjowy porjad najpozdzišo za zapřichodne posedženje stajic, hdyž njeje gmejnska rada samsnu naležnosć w běhu minjenych šěsć měsacow hižo wobjednała abo hdyž je so z časa jednanja naležnosće wěcna a prawniska situacija bytostnje změnila. Jednanske naležnosće dyrbja do kompetency gmejnskeje rady sahać.
- (3) Wjesnjanosta zapołoži slěd jednotliwych jednanskich naležnosćow a postaji, wobkedźbujo prawniske předpisy, kotre jednanske naležnosće so w njezjawnym dźělu posedżenia wobjednawaja.
- (4) Wjesnjanosta ma prawo, hač k spočatkej posedżenia jednanske naležnosće z dnjoweho porjada cofnyć, jeli njejedna so wo naležnosće po § 6 wotst. 3 a § 7 wotst. 2 a 3.
- (5) Wjesnjanosta móže dnjowy porjad bjez dodžerženja trěbneje doby přeprošenja rozšěric, jeli su wuměnenja za nuzny pad date.

§ 8 Wuradźowanske podložki

- (1) Wuradźowanske podložki su za gmejnskich radźićelow postajene. Wone maja wěcne a prawniske poměry prezentować a po móžnosći namjet k wobzamknjenju wobsahować.
- (2) Wuradźowanske podložki njesmědža so bjez dowolnosće wjesnjanosty na třecích dale dać.

§ 9 Zwučene wozjewjenje

Čas, městnosć a dnjowy porjad zjawneho posedženja ma wjesnjanosta sčasom, zwjetša sydom cytych dnjow do posedženja, na zwučene wašnje wozjewić. To njeplaći za zwołanje gmejskeje rady w nuznych padach.

DRUHI WOTRÉŽK

PŘEWJEDŽENJE POSEDŽENJOW GMEJNSKEJE RADY

§ 10 Winowatosć wobdželenja

Gmejnsy radźićeljo maja winowatosć, so na posedženjach wobdželić. W padže zadžěwanja z woprawnjenych abo prawnskich přičin ma so to z podaćom přičiny bjezposrědnje, najpozdžišo k zahajenju posedženja wjesnjanosće zdželić. Winowatosć, tole zdželić plaći tež za tón pad, zo dyrbi radźićel posedženje dočasnje wopušćić.

§ 11 Zjawnosć posedženjow

- (1) Posedženja gmejnskeje rady su zjawne, dalokož sej zjawne dobro abo woprawnjene zajimy jednotliwcow njezjawne posedženje nježadaja. K zjawnym posedženjam gmejnskeje rady ma kóždy přistup, dalokož to rumnostne poměry dowola.
- (2) Za čas zjawneho posedženja su nahrawanja abo fotografowanje, kotrež njeslužba k zhotowjenju protokola po § 40 SächsGemO, jenož z dočasnej pisomnej dowolnosću wjesnjanosty móžne. Dowolnosć ma so zapowědźić, hdyž je to za njemyleny wotběh posedženja trěbne.
- (3) Wobzamknjenja njezjawnych posedženjow maja so w zjawnych posedženjach wozjewić, dalokož njespřećiwja so zjawnemu dobru abo woprawnjenym zajimam jednotliwcow.

§ 12 Sedženski porjad

Gmejnsy radźićeljo sydaja po přislušnosći k frakciji. Njemóža so radźićeljo dojednać, postaji wjesnjanosta sedženski porjad frakcijow, wobkedžbujo ličbu člonow frakcije w gmejnskej radže. Sedženski porjad w frakciji postaja člonojo frakcije a ma so wjesnjanosće pisomnje zdželić. Radźićelam, kotřiž žanej frakciji njeprislušeja, připokaza wjesnjanosta městno.

§ 13 Předsydstwo gmejnskeje rady

- (1) Předsydstwo gmejnskeje rady wukonja wjesnjanosta. Wón wotewri a zakónči posedženje a nawjeduje jednanja gmejnskeje rady. Wjesnjanosta móže nawod jednanja na jednoho z radźićelow wotedać.
- (2) Při woprawdžitej abo prawniskej njeprítomnosći wjesnjanosty přewozmjje jeho naměstnik po § 54 wotst. 1 SächsGemO předsydstwo. Su-li wjacori naměstnicy postajeni, tak su woni w po § 54 wotst. 1 SächsGemO postajenym slědže jako zastupjerjo powołani. Su wšitcy postajeni naměstnicy dočasnje zastojnstwo zložili abo w padže zadžěwaneho wjesnjanosty tež wšitcy jeho naměstnicy zadžěwani, ma gmejnska rada bjezposrědnje jednoho abo wjacorych naměstnikow znowa abo za čas

zadžewanja přidatnje powolać. Hač k powołanju přewza po žiwjenskich lětach najstarši, njezadžěwany člon gmejskeje rady nadawki zastupowaceho wjesnjanosty.

§ 14 Wobzamknjenjakmanosć gmejskeje rady

- (1) Do zahajenja dnjoweho porjada zwěsći wjesnjanosta porjadne zwołanje kaž tež wobzamknjenjakmanosć gmejskeje rady a da to do protokola.
- (2) Gmejska rada je wobzamknjenjakmana, hdyž je znajmjeńša połojca radźićelow přítomna a hłosokmana. Při zajatosći wjace hač połojcy člonow, je gmejska rada wobzamknjenjakmana, hdyž je znajmjeńša štwórcina člonow přítomna a hłosokmana.
- (3) Njeje gmejska rada wobzamknjenjakmana, ma so dalše posedženje wotměć, kotrež je wobzamknjenjakmane, jeli su znajmjeńša tři člony přítomni a hłosokmani; při zwołanju dalšeho posedženja ma so na to skedźbnić. Dalše posedženje wupadnje, hdyž su mjenje hač tři člonowo hłosokmani.
- (4) Njeje gmejska rada tež w dalším posedženju po wotstawku 3 dla zajatosće člonow wobzamknjenjakmana, rozsudži wjesnjanosta město rady po slyšenju njezajatyh radźićelow. Su-li tež wjesnjanosta a jeho naměstnikaj(i) zajeći, móže gmejska rada hłosokmaneho člona k rozsudej naměstnika wjesnjanosty powolać. Njepowola so žadyn hłosokmany člon jako zastupjer wjesnjanosty, zakónči wjesnjanosta dypk dnjoweho porjada a informuje prawniski dohladowanski zarjad.

§ 15 Zajatosć člonow gmejskeje rady

- (1) Člon gmejskeje rady, pola kotrehož móhła, zajatosć po § 20 wotst. 1 SächsGemO předležeć, ma to do zahajenja wuradžowanja naležnosće wjesnjanosće zdžělić. Štó w zmysle § 20 SächsGemO zajaty je, njesmě poradžujo a tež nic rozsudžejo w naležnosći sobu skutkować a ma posedženje wopušćić. Je posedženje zjawne, móže zajaty radźićel jako připoslušchar w publikumje přítomny być.
- (2) Hač předleži přičina k wuzamknjenju we wosobje člona gmejskeje rady, rozsudži w dwělomnym padže gmejska rada a to we njepřítomnosći potrjecheneho.

§ 16 Wobdžělenje na posedženjach gmejskeje rady

- (1) Gmejska rada móže wěcywustojnych wobydlerjow a wěcywustojnych k poradžowanju jednotliwych naležnosćow zapřijeć. Wjesni předstejićeljo móža so na posedženjach z poradžowanskim hłosom wobdžělić. Na wobzamknjenju naležnosće sameje njesmědža so přeprošeni wobdžělić.
- (2) W přihotach wažnych rozsudow móže gmejska rada potrjechenym wosobam a skupinam wosobow skladnosć dać, swoje stejišćo předstajić (slyšenje), dalokož njeje

slyšenje hižo zakonsce předpisane. Na wuradźowanju a wobzamknjenju njesmědža so prošeni wobdžělic.

- (3) Gmejnska rada móže na zjawnych posedženjach wobydlerjam a jim po § 10 wotst. 3 SächsGemO runja stajenym wosobam kaž tež zastupjerjam wobydlerskich iniciatiwow móžnosć dać, prašenja k gmejnskim naležnosćam stajić abo pokiwy a namjety předpožić (prašenja wobydlerjow). K prašenjam zabjerje wjesnjanosta abo wot njeho społnomócnjeny stejišćo. Njeje hnydomna wotmołwa móžna, móže so prašacemu tež pisomna wotmołwa připowědźić. Přizjewja so wjacore wosoby z prašenjami runočasnje, tak postaji wjesnjanosta slěd přizjewjenjow. Kóždy, kiž so praša ma prawo, jedne přidatne prašenje stajić. Wuradźowanje so njewotměwa.
- (4) Wjesnjanosta móže w posedženjach gmejnskeje rady přistajenemu gmejny nadawk za přednošk přepodać; na próstwu gmejnskeje rady ma wón jednoho tajkeho k wěcywustojnym informacijam přeprosyc.

§ 17 Změna abo rozšěrjenje dnjoweho porjada

- (1) Gmejnska rada móže po zahajenju posedženja wobzamknyc,
 - a) změnjenje slěda jednanskich naležnosćow,
 - b) zo so jednanske naležnosće džěla abo zwjazaja,
 - c) zo so za zjawny džěl posedženja předwidžana naležnosć do njezjawneho džěla přepoži, hdyž sej to zjawne dobro abo wopravnjene zajimy jednotliwcow w zmysle § 37 wotst. 1 přěnja sadažadaja,
 - d) zo so za njezjawny džěl posedženja předwidžana naležnosć do zjawneho džěla přepoži, hdyž za to žane přičiny za zjawne dobro abo za wopravnjene zajimy jednotliwcow w zmysle § 37 wotst. 1 přěnja sada SächsGemO njeředleža.
- (2) Wo próstwach z rjadow gmejnskich radźicelow, jednansku naležnosć napřećo dnjowemu porjadej w zjawnym abo njezjawnym džělu posedženja wobjednawać, so w njezjawnym džělu jedna a rozsudzi. Wobzamkne-li gmejnska rada, jednansku naležnosć w zjawnym posedženju wobjednawać, tak ma wjesnjanosta tutón dypk na dnjowy porjad přichodneho posedženja gmejnskeje rady sadzić.
- (3) Dnjowy porjad móže wjesnjanosta w zjawnym posedženju rozšěric, dalokož so wo nuzne naležnosće w zmysle § 36 wotst. 3 sada 4 SächsGemO jedna a wšitcy člonjo gmejnskeje rady přitomni su. Njejsu wšitcy gmejnsky radźiceljo přitomni, maja so njeřitomni gmejnsky radźiceljo na tajke wašnje bjez formy a časa a pod podaćom naležnosće přeprosyc, zo móža hišće sčasom přeprošenju scěhować. Rozšěrjenje ma so do protokola zapisać.
- (4) Rozšěrjenje dnjoweho porjada njezjawneho posedženja přez wjesnjanostu je dowolene, hdyž tomu wšitcy gmejnsky radźiceljo přiřosuja.

§ 18 Rěčenski porjad

- (1) Wjesnjanosta zwoła kóždy dypk dnjoweho porjada po předwidžanym abo wobzamknjenym slědže z mjenowanjom jednanskeje naležnosće a přewostaji naležnosć k wuradźowanju. Wobjednawa-li so naležnosć, kotraž bu na próstwu znajmjeńša pjećiny gmejnskich radźićelow abo jedneje frakcije na dnjowy porjad sadžena, ma so najprjedy próstwu stajacemu skladnosć dać, naležnosć wopodstatnić. Nimo toho přepoda so, dalokož je rozprawa předwidžana, rozprawjerjej słowo.
- (2) Štóž so słowa jima, ma to z pozběhnjenjom ruki přizjewić. Přizjewja so wjacori čłonojo gmejnskeje rady runočasnje, postaji wjesnjanosta slěd rěčenja. Wobdžělnik wuradźowanja smě so hakle potom słowa jimać, hdyž je to jemu wjesnjanosta dowolił.
- (3) Nimo slěda rěčenja spožči so słowo tomu, kiž chce próstwu k jednanskemu porjadej stajić.
- (4) Wjesnjanosta móže so po kóždym rěčniku słowa jimać; wón móže runje tak přednošowacemu, prošenu wěcywustojnemu wobydlerjej, přistajenemu gmejnskeho zarjada abo wěcywustojnemu kóždočasnje słowo přepodać abo jeho namolwić, stejišćo zabrać.
- (5) Rěčenski čas traje normalnje w najdlěšim padže pjeć mjeńšin. Rěčny čas móže so na wobzamknjenje gmejnskeje rady podlěšić abo přikrótsić. Čłon gmejnskeje rady smě so jenož dwójce k samsnej naležnosći wuprajić; próstwy nastupajo jednanski porjad su z toho wuwzate.

§ 19 próstwy k jednanskemu porjadej

- (1) Próstwy k jednanskemu porjadej móža so kóždočasnje wot kóždeho čłona gmejnskeje rady stajić. K tomu słušeja wosebje próstwy:
 - a) wo kónc wuradźowanja,
 - b) wo kónc lisćiny rěčnikow,
 - c) wo sposrědkowanje na wuběrk abo na wjesnjanostu,
 - d) wo přesunjenje na nowy termin,
 - e) wo přetorhjenje abo zběhnjenje posedženja,
 - f) wo wuzamknjenje abo zaso přizwolenje zjawnosće,
 - g) wo wothłosowanje po mjenje abo tajne wothłosowanje,
 - h) wo přechod k dnjowemu porjadej.
- (2) Próstwy k jednanskemu porjadej přetorhnu wěcowne wuradźowanje. Nimo toho, kiž próstwu staji a wjesnjanosty dóstanje kóždy rěčnik frakcije a žanej frakciji njepřislušacy gmejnsky radźićeljo skladnosć, so k próstwje, nastupajo jednanski porjad, wuprajić.
- (3) Wo próstwach k jednanskemu porjadej ma gmejnska rada wosebje dočasnje rozsudzić. Staja-li so runočasnje wjacore próstwy k jednanskemu porjadej, ma so

stajnje wo najdale sahacej próstwje jako přenje wothłosować. W dwělomnych padach postaji wjesnjanosta slěd wothłosowanja.

- (4) Próstwa wo zakónčenje wuradźowanja abo na kónč liscíny rěčnikow smě so hakle stajić, hdyž je kóžda frakcija a žanej frakciji přislušacy čonojo gmejnskeje rady składnosć měli, so jónu słowa jimać. Přiwza so próstwa na zakónčenje wuradźowanja, ma so wuradźowanje přetorhnyć a wobzamknjenje wobzamknyć. Přiwozmje so próstwa na kónč liscíny rěčnikow, smědža jenož hišće ći gmejnsky radźicieljo k wěcy rěčeć, kotřiž su za čas stajenja próstwy na liscínje zapisani byli.

§ 20 Wěcowne próstwy

- (1) Kóždy člon gmejnskeje rady ma prawo, ke kóždemu jednanskemu dypkej próstwy stajić, zo by so rozsud wo předmjeće (wěcowne próstwy) tworil. Próstwa ma so před zakónčenjom wuradźowanja wo tutym předmjeće stajić a ma namjet k wobzamknjenju, wo kotrymž móže so wothłosować, wobsahować. To płaći tež za přidatne próstwy a próstwy wo změnu. § 19 wotst. 3 sada 2 a 3 płaća wotpowědnje.
- (2) Próstwy, kotrychž přiwzaće zamóženje, dołh abo etat gmejny nic njewažnje wobwliwuja (finančne próstwy), wosebje změny wudawkow a dochodow abo změny wupłaćenjow abo zapłaćenjow porno hospodarskemu planej, maja so hromadže z po zakonskich předpisach přewjedzomnym narunanskim namjetom zapodać.

§ 21 Tworjenje wobzamknjenja

- (1) Gmejnska rada wobzamkuje z pomocu wothłosowanja a wólbow. Wjesnjanosta smě hłosować, hdyž SächsGemO ničo druhe njepostaji.
- (2) Wjesnjanosta ma so před kóždym wobzamknjenjom kóždeho předmjeta wo tym přeswědčić, hač je gmejnska rada wobzamknjenjakmana.

§ 22 Wothłosowanja

- (1) Gmejnska rada wothłosuje přewažnje zjawne. Wothłosowanje wotměje so z pozběhnjenjom ruki, dalokož gmejnska rada w jednotliwych padach ničo druhe njewobzamkne.
- (2) Z wažneje přičiny móže gmejnska rada tajne wothłosowanje wobzamknyć. Tajne wothłosowanja přewjedu so z wotedaćom hłosowanskich cedlkow.
- (3) Gmejnska rada ma po mjenje wothłosować, hdyž pječina člonow gmejnskeje rady k tomu próstwu staji. Při wothłosowanju po mjenje ma so hłosowanje kóždeho jednotliwego člona gmejnskeje rady w protokolu zapisać. Staji-li so za jednu a tu samu naležnosć próstwa wo wothłosowanje po mjenje kaž tež na tajne wothłosowanje, je próstwa na tajne wothłosowanje přenjorjadna.

- (4) Wobzamknjenja přiwozmu so z wjetšinu hłosow. Při runosći hłosow je próstwa wotpokazana. Hłosawzdaća so při zwěšćenju wjetšiny hłosow njewobkedźbuja.
- (5) Wuslědk wothłosowanja wjesnjanosta wozjewi a do protokola da.
- (6) Wěcy jednoreho a snadneho wuznama móže gmejnska rada w pisomnym abo elektroniskim wašnju wobzamknyć. Z tym zwisowaca próstwa je přiwzata, jeli žadyn člon gmejnskeje rady njeznapřećiwi.

§ 23 Wólby

- (1) Wólby přewjedu so tajnje z hłosowanskimi lisćikami; zjawnje móže so wolić, hdyž žadyn člon njeznapřećiwi. Wuzwoleny je, štóž wjetšinu hłosow přítomnych hłosakmanych dóstanje. Njedocpěje so při wólbach tajka wjetšina, wotměja so mjez požadarjomaj z najwjace hłosami rozsudne wólby, hdžež jednora wjetšina wotedatych hłosow rozsudzi. Při runowaze hłosow rozsudzi los. Steji-li so jenož jedyn kandidat k wólbam, woli so w padže sady 3 znowa, hdžež potom jednora wjetšina wotedatych hłosow dosaha.
- (2) Wjesnjanosta ma hłosowanske lisćiki přihotowane měć. Kóždy kandidat so na lisćiku wosobinsce mjenuje a dóstanje wotmjezowane polo samsneje wulkosće. Hłosowanski lisćik ma być tajki, zo po nakřižowanju a sfałdowanju, wotedaće hłosa spóznajomne njeje. Přewjedu so wjacore wólby na samsnym posedženju gmejnskeje rady, maja so hłosowe lisćiki po barbje jasnje rozeznawać.
- (3) Hłosowanske lisćiki maja so wot hłosakmanych člonow gmejnskeje rady bjezdwełnje woznamjenić. Njepopisane hłosowanske lisćiki plaća jako hłosawzdaće. Hłosowanske lisćiki, na kotrychž je „haj“ abo „ně“ napisane, su njeplaćiwe, chiba zo steješe jenož jedyn kandidat k wólbam.
- (4) Wjesnjanosta zwěsći z pomocu jednoho wot gmejnskeje rady postajeneho člona abo přistajeneho gmejnskeho zarjada wuslědk wólbow a wozjewi to gmejnskej radže.
- (5) Ma so losować, tak ma gmejnska rada za to jednoho radźićela postajić. Wjesnjanosta abo w jeho nadawku přistajeny gmejnskeho zarjada zhotowi w njepritomnosći za losowanje zamolwiteho člona gmejnskeje rady losy. Wotběh losowanja ma so do protokola zapisać.

§ 24 Porjadniska móc a domowe prawo wjesnjanosty

- (1) Wjesnjanosta wukonja porjadnisku móc a domowe prawo. Jeho porjadniskej mocy a domowemu prawu podsteja wšitke wosoby, kotrež za čas posedženja gmejnskeje rady w sydarni přebywaja. Štóž so jako připosluchar njepristojnje zadžerži abo hewak česćownosć zhromadźizny rani, móže so wot wjesnjanosty k porjadej napominać abo ze sydarnje wupokazać, hdyž so porjad na druge wašnje znowa zaručić njehodži.

- (2) Nastanje w běhu posedženja gmejnskeje rady mjez připosluharjemi njeměr, móže wjesnjanosta po tym, zo je do toho napominał, za připosluharjow předwidžany džěl sydarnje dać rumować, jeli so mylacy njeměr na druge wašnje wotstronić njehodži.

§ 25 Namotwa k porjadej a scazanje słowa

- (1) Rěčnikow, kotřiž wot temy wotchileja, móže wjesnjanosta k wěcy napominać.
- (2) Rěčnikow, kotřiž so, bjez toho, zo bu jim słowo přepodate, słowa jimaja abo jim předpisany resp. wot gmejnskeje rady wobzamknjeny čas rěčenja najebać wotpowědneho napominanja překroča, móže wjesnjanosta k porjadej napominać.
- (3) Je rěčnik hižo dwójce napominanje k wěcy (wotst.1) abo namotwu k porjadej (wotst. 2) dóstał, tak móže wjesnjanosta jemu słowo scazać, hdyž rěčnik přičinu k dalšej porjadniskej naprawje da. Rěčnikej, kotremuž bu słowo scazane njesmě so w samsnym posedženju znowa słowo k wotpowědnej naležnosći dać.

§ 26 Wuzamknjenje z posedženja, scazanje posedženskeho narunanja

- (1) Při hrubych přeńdženjach přećiwo porjadej móže wjesnjanosta čłona gmejnskeje rady ze sydarnje wupokazać. Z wuzamknjenjom z posedženja zhubi čłon prawo na narunanje za posedženje.
- (2) Při wospjetnych přeńdženjach po wotstawku 1 móže gmejnska rada čłona za wjacore, w najwyšim padže za tři posedženja wuzamknjýć.
- (3) Wotstawkaj 1 a 2 płáćitaj wotpowědnje za druge wosoby, kotrež so po § 16 na posedženjach gmejnskeje rady wobdžěleja.

TŘEĆI WOTRĚZK
PROTOKOL POSEDZENJOW GMEJNSKEJE RADY,
INFORMACIJA ZJAWNOSĆE

§ 27 Protokol posedzenjow gmejnskeje rady

- (1) Wo bytostnych wobsahach jednanjow gmejnskeje rady ma so protokol zhotowić. Wón ma wosebje wopřijeć:
 - a) mjeno předsydy,
 - b) ličbu přítomnych a mjena njepřítomnych gmejnskich radźicelow z podaćom přičiny njepřítomnosće,
 - c) naležnosće jednanja (předmjet),
 - d) próstwy k wěcy a k jednanskemu porjadej,
 - e) wuslědky wothłosowanja a wólbow a
 - f) posłowne wobzamknjenja gmejnskeje rady.
- (2) W protokolu ma so wotblyšćować zhusćeny wobsah wotběha jednanja. Předsyda a kóždy člon gmejnskeje rady móža sej žadać, zo so jich wuprajenja a wothłosowanje do protokola zapisaja.
- (3) Protokol wjedže pisar/ka, kotrehož wjesnjanosta postaji. Wjesnjanosta móže nadawk za to přistajenemu gmejnskeho zarjadnistwa abo čłonej gmejnskeje rady přepodać.
- (4) Protokol ma so wot wjesnjanosty, dweju gmejnskeju radźicelow a pisarja/pisarki podpisać. Gmejnskeju radźicelow postaji gmejnska rada. Jeli jedyn z podpisarjow z jednotliwymi dypkami protokola přezjedny njeje abo njemóža-li so podpisarjo wo wobsahu protokola dojednać, móže so k wotpowědnym naležnosćam přispomnjenja zhotowić.
- (5) Protokol ma so w běhu jednoho měsaca, poprawom pak najpozdzišo k přichodnemu posedzenju gmejnskeje rady wozjewić. Wo znapřećiwjenjach k protokolej rozsudži gmejnska rada.
- (6) Dohlad do protokolow zjawnych posedzenjow je wobydlerjam gmejny dowoleny. Kopije protokolow njezjawnych posedzenjow njesmědža so čłonom gmejnskeje rady a tež nic dalšim wosobam wudać.

§ 28 Informacija zjawnosće

- (1) Wo bytostnych wobsahach wobzamknjenjow zjawnych posedzenjow gmejnskeje rady ma so zjawnosć na přiměrjene wašnje informować. Informacija zjawnosće je naležnosć wjesnjanosty, kotryž tež wo tym rozsudži, na kotre wašnje so zjawnosć informuje.

- (2) Informacija po wotst. 1 płáci tež za wobzamknjenja gmejskeje rady, kotrež buchu w njezjawnych posedženjach wobzamknjene, dalokož njejsu so w zjawnym posedženju wozjewili.

ŠTWÓRTY DŽĚL JEDNANSKI PORJAD WUBĚRKOW

§ 29 Poradźowace wuběrki

- (1) Na jednanje poradźowacych wuběrkow maja so postajenja tutoho jednanskeho porjada wo jednanju gmejskeje rady po zmysle nałožować, dalokož slědowace wotrězki hinaše rjadowanja njewobsahuja.
- (2) Posedženja poradźowacych wuběrkow su njezjawne; w § 9 předpisana informacija wotpadnje. § 28 tutoho jednanskeho porjada so njenaložuje.
- (3) Jeli njeje poradźowacy wuběrk dla zajatosće člonow wobzamknjenjakmany, wupadnje přihotowanske wuradźowanje.

PJATY DŽĚL KÓNČNE POSTAJENJA, NABYĆE PŁAĆIWOSĆE

§ 30 Kónčne postajenja

Kóždemu čłonej gmejskeje rady ma so jedyn eksemplar tutoho jednanskeho porjada přepodać. Změni-li so jednanski porjad w běhu wólbneje doby, ma so tež změneny jednanski porjad přepodać.

§ 31 Nabyće płáciwosće

Tutón jednanski porjad nabudže dzeń po wobzamknjenju gmejskeje rady płáciwosć. Runočasnje zhubi dotalny jednanski porjad z dnja 21.09.2017 swoju płáciwosć.

Chrósćicy, 30.08.2019



Marko Kliman

wjesnjanosta